



Publicaziuns dalla vischnaunca, jamna 22

Damondas da baghegiar

2022-1030.000

Datum dalla publicaziun: 3 da zercladur 2022

Il patrun: Arno Schlüter, Markusstrasse 5, 8006 Zürich
Il representant: pally + partner architectura sa, Survitg 100, 7184 Curaglia
Object: Remplazzament dall'annexa existenta, construcziun nova, parcella 2173, Via Crestas 26, 7183 Mumpé Medel

2022-1031.000

Datum dalla publicaziun: 3 da zercladur 2022

Il patrun: Giusep Lozza, Via Sursilvana 21, 7180 Disentis/Mustér
Object: Construcziun d'in carport, parcella 890, Via Sursilvana 21, 7180 Disentis/Mustér

Protestas:

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 3 da zercladur 2022

Uffeci da baghegiar Disentis/Mustér

Referendum facultativ spirau

Rapport da gestiun 2021

A caschun da sia seduta dils 29 d'avrel 2022 ha il cussegl da vischnaunca approbau unanimamein il rapport da gestiun ed il quen 2021.

Encunter quella decisiun ei enteifer il termin fixau buca vegniu fatg diever dil referendum, aschia ch'ella ha contonschiu vigur legala.

Il rapport da gestiun 2021 ell'usitada fuorma stampada e ligiada vegn distribuius el decuors dalla secunda mesadad da zercladur 2022 en tuttas casadas en vischnaunca.

Suprastonza communal

Administraziun communal

Muort il firau da **gliendisdis Tschuncheismas, ils 6 da zercladur 2022** resta l'administraziun communal serrada quei di.

Bien engraziament per Vossa capientscha.

Administraziun communal

Infurmaziun: Impediments da traffic sin la via sursilvana tranter Sumvitg e Mustér

La Viafier retica exequescha lavurs da fixaziun dal grip e mesiras da protecziun cunter crudadas da crappa sin la via sursilvana en il territori dal Grep da Ferm.

Dals 7 da zercladur fin ils 23 da zercladur datti perquai impediments e temps da spetga fin 30 minutas sin la via sursilvana H19, e quai mintgamai davent da la dumengia saira fin il venderdi en damaun da las 22.00 fin las 5.30.



Per informaziuns stat la direcziun locala da construcziun, la firma tur ScRL, a disposiziun sut il numer 078 843 93 84.

La Viafier retica e l'Uffizi da gaud e privels da la natira engrazian per Vossa chapientscha.

Glion, ils 27 da matg 2022
Viafier retica Uffizi da gaud e privels da la natira

Hinweis Verkehrsbehinderungen Oberalpstrasse zwischen Sumvitg und Disentis/Mustér

Die Rhätische Bahn führt auf der Oberalpstrasse im Gebiet Grep da Ferm Felssicherungs- und Steinschlag-schutzmassnahmen aus.

Vom 7. Juni bis 23. Juni kommt es deshalb jeweils von Sonntagabend bis Freitagmorgen von 22.00 bis 5.30 Uhr zu Behinderungen und Wartezeiten bis 30 Minuten auf der Oberalpstrasse H19.

Für Auskünfte steht die örtliche Bauleitung, tur GmbH, unter Tel. 078 843 93 84, zur Verfügung.

Die Rhätische Bahn und das Amt für Wald und Naturgefahren danken für Ihr Verständnis.

Ilanz, den 27. Mai 2022
Rhätische Bahn Amt für Wald und Naturgefahren

Controlla da habitonts

Mortori

Vigeli Lutz-Flepp, naschius ils 26 da zercladur 1945, morts ils 26 da matg 2022.

Clom d'urgenza 118

Preziadas vischinas, preziai vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da personas – savens perquei ch'ils pumpiers vegnan buca clamai ni memia tard. Biais tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.

Engraziel per Vies sustegn!
Vos Pumpiers Sursassiala

Onn da scola 2022/23 – uraris e transports

Prezias geniturs, cars affons

Ils uraris da scola ed igl urari dils transports pil proxim onn da scola 2022/23 anfleis Vus sin www.scoladisentis.ch. Ils geniturs dils affons da Segnas, Buretsch, Cuoz e Mompé Tujetsch dalla emprema scoletta 2022/23 ston **uonn buca** s'annunziar alla staziun da Mustér pigl abbonament dalla MGB. Nus engraziein a Vus cordialmein per la fetg buna collaboraziun e Vies grondius sustegn duront igl onn da scola che va alla fin. Da cor bialas e suleglivas vacanzas da stad!

Cordials salids e sin bien seveser
Nossa scola populara Mustér



TCS Sektion Graubünden

Regionalgruppe Surselva

Einladung zum zweitägigen Ausflug ins Verkehrshaus Luzern, Sonntag und Montag, 17./18. Juli 2022.
Siehe unter Ilanz!

Uniun da dunnas Disentis/Mustér

A caschun dalla davosa radunonza generala ei la sequenta persuna vegnida elegida: Sandra Deflorin, copresidenta (reelegida per dus onns). Plinavon ha la radunonza fixau la contribuziun annuala a frs. 20.–. L'unfrenda da sontga Lisabet ei voluntaria. Ei vegn denton supplicau dad indicar sil cedel da pagament per tgi che la contribuziun ei destinada.

Cordials salids.

La suprastonza *Leslie, Sandra e Manuela*

Im Zusammenhang mit der letzten Generalversammlung des Frauenvereins ist die folgende Person gewählt worden: Sandra Deflorin, Co-Präsidentin (wiedergewählt für zwei Jahre). Weiter wurde an der Generalversammlung der Mitgliederbeitrag auf Fr. 20.– fixiert. Die Spende für die heilige Elisabeth ist freiwillig. Es wird gebeten, auf dem Einzahlungsschein den Zahlungszweck anzugeben.

Der Vorstand *Leslie, Sandra und Manuela*

Preavis

Medel-Mustér-Tujetsch s'entaupan ella Academia Vivian a Stagias

Cultura, cant e musica da mintga vischnaunca accumpignau cun specialitads culinaricas. **Sontgilcrest, ils 16 da zercladur 2022**, allas 16.00. Il transport vegn organisau entras las vischnauncas. Nus supplichein Vus da s'annunziar entochen venderdis, ils 10-6-2022, tier l'administraziun communal, Carmen Wetzel, sin 081 920 36 36 ni cwetzel@disentis.ch.

Il program detagliau vegn repartius en fuorma d'in fegl sgulont. La sentupada ha liug mo da bialaura. Nus selegrein gia oz sin ina sentupada dalla Sursassiala.

Sin stedia partecipaziun:

las vischnauncas ed uniuns culturalas

Seniora-Ca

Invitaziun

Gievgia, ils 9 da zercladur 2022, allas 13.45 ella Puntreis. Tema: «Ord la trucca d'entuorn Mustér» cun moderaziun da Linus.

Team Seniora-Ca

Seniora-Ca e Puntreis

Meisa da miezdi organisada da Seniora-Ca e Puntreis

Entschatta: allas 12.15 ella Puntreis. Gentar cun treis tratgas inclusiv aua dalla spina ed in caffè. Annunzia entochen allas 9.00 dil di alla Puntreis (081 929 56 56). La meisa da miezdi ei aviarta per mintgin/a.

Post d'informaziun Seniora-Ca



Corporaziun d'alp Russein Mustér

Radunonza generala dils possessurs da dretgs dalla corporaziun d'alp Russein Mustér, **venderdis, ils 17 da zercladur 2022**, allas 20.15 el hotel «Alpsu» a Mustér

Tractandas:

1. Beinvegni
2. Elecziun d'in dumbravuschs
3. Prelecziun ed approvaziun dil protocol dalla radunonza generala dils 3 da zercladur 2019
4. Render quen dil cassier
 - a) onn 2019
 - b) onn 2020
 - c) onn 2021
 - d) rapport dils revisurs ed approvaziun dils quens
5. Rapport dil president
6. Regulativ d'indemnisaziun funcziunaris e lavur cumina
7. Contract da purificaziun inventari suenter la separaziun proprietaris e chischada*
8. Elecziuns:
 - a) president
 - b) vicepresident/actuar
 - c) cassier
 - d) dus revisurs da quen ed in substitut
9. Fixar ils tscheins dils dretgs per 2022
10. Contract d'affittaziun per l'alp Russein/schurmetg dallas auas/Informaziun
11. Deliberaziun da damondas e propostas
12. Varia

*Sin giavisch d'in proprietari da dretgs sa vegnir priu investa dallas statutas surluvradas tier igl ugau Armin Berther, (079 609 48 25 / armin.berther@gmail.com)

Club da pistola Cadi

Tir campester cun pistola sin 25 m

Venderdis, ils 10-6-2022, naven dallas 18.00–20.30 e **sonda, ils 11-6-2022**, naven dallas 13.30–17.00 ha liug el stan da sittar a Sars Sut a Mustér il tir campester cun pistola. Il tir ei per tuts gratuits ed armas ein a disposiziun.

Cordialmein envida
Club da pistola Cadi

Uniun da catschadurs Péz Alpetta – salvament d'anseuls

Preziai purs

Ussa ei il temps che las cauras-cavriel fan ansiel. Stedi sesanflan ellas cun lur anseuls en praus che vegnan segai. Aschia vegnan mintg'onn anseuls per la veta entras maschinas da segar. Cun pign engaschi san ins evitar quei. Purs che fan fein en loghens nua che cavreuls sesanflan, ein supplicai da s'annunziar tier nus in di avon che segar. Aschia savein nus montar mintgamai entginas bandieras el prau pertuccont. Entras il disturbi da quellas prendan las cauras ils anseuls ord il prighel. Annunzias saveis far tier il cau da tgira sut la numera 078 690 18 86 ni tier il guardiaselvaschina sut la numera 079 397 35 54.

Bien engraziament per Vossa collaboraziun
Uniun da catschadurs Péz Alpetta, il cau da tgira